


SEIGNOR, SAICHIEZ


Thibaut de Champagne



1. Sei-gnor, sai-chiés qui or ne s'en i-ra En ce-le terre ou Deus fu__ mors et vis



Et qui la crois d'ou-tre-mer ne pen-ra A pai-nes mais i-ra en__ pa-ra-dis.



Qui a en soi pi-tié ne ra-mem-bran-ce Au__ haut Sei - gnor doit quer -



re sa ven-jan - ce Et de - li - vrer sa ter - re et son pa - is.

2. Tuit li mauvés demorront par deça,
Qui n'aiment Dieu, bien ne honor ne pris
Et chascuns dit: «Ma fame que fera?
Je ne lairoie a nul fuer mes amis.»
Cii sont cheoit en trop foie atendance,
Qu'il n'est amis fors que cil, sanz doutance
Qui por nos fu en la vraie crois mis.

3. Or s'en iront cil vaillant bacheler
Qui aiment Dieu et l'eunor de cest mont,
Qui sagement vuelent a Dieu aler;
Et li morveux, li cendreux demorront;
Avugle sunt, de ce ne dout je mie.
Qui un secors ne fait Dieu en sa vie
Et por Si pou pert la gloire dou mont.

4. Dieus se lessa en crois por nos pener
Et nos dira au jor que tuit vendront:
«Vos qui ma crois m'aidastes a porter
Vos en irez la ou mi angle sont;
La me verrez et ma mere Marie.
Et vos par cuije n'oi onques aïe
Descendrés tuit en enfer le parfont.»

5. Chascuns cuide demorer toz haitiez
Et que jamés ne doie mal avoir;
Ainsi les tient Anemis et pechiez
Que il n'ont sen, hardement ne pooir.
Biaus sire Dieus, ostés leur tel pensee
Et nos metez en la vostre contree
Si saintement que vos puissions veoir!

Douce dame, roïne coronee,
Proiez por nos, virge bien aüree!
Et puis après ne nos puet mescheoir.